

# Ленинэнь киява

ВЛКСМ-нь Мокшэрэнь обкомонь ды Саранскоень ошонь комитетэнь газетаст

АПРЕЛЕНЬ

3 чи,

1937 ия

№ 38 (712)

СССР

7-дз ия  
чинь ютась

## ВНЕВГАВТОМС КРИТИКАНТЬ ДЫ САМОКРИТИКАНТЬ, КЕПЕДЕМС РЕВОЛЮЦИОННОЙ БДИТЕЛЬНОСТЕНТЬ

Минек Мокшэрэнь комсомольской организациятнесэ асатыкстнэ, комсомольской уставонь коламонь фактнэ, критиканть ды самокритиканть аволь удовлетворительностэ келейгавтомань ды лепштямонь фактнэ, революционной бдительностенть ноцкалгавтомась максинть троцкистнэнь ды лия двурешниктизнень возможность ветьмэ эсист гнусной, контрреволюционной роботаст, эцнемс руководящей комсомольской роботаст.

Игнатовань, Атяшевонь, Саранскоень ды ламо лия районтнесэ троцкистской нулгодкстнэнь роботаст кармась улема возможнойкс аняк секс, што ВЛКСМ-нь обкомось ды васняк сонзэ секретаресь **Иванов** ялгась ормалгадсть идиотской ормасо—беспечностьсэ, эсь прянь оймавтомасо, благодущия-о. Обкомось ды васняк сонзэ секретаресь **Иванов** ялгась ды райкомтнэяк эсть тее эрявикс выводит революционной бдительностенть кепедемадонзо ВКП(б)-нь ЦК-нть ды ВЛКСМ-нь ЦК-нть аволь веенст указаниянть эйстэ. Сынь стувтыз сень, што минек масторось ашти капиталистической ды фашистской государстватнень окружениясо, конатне социалистической государстватнень азаргадозь ненависть марто кучность ды кармить кучнеме эсист лазутчикест, шпионист, диверсантост.

Комсомолонь обкомось эрвашкань живой руководстванть таркас, райкомтнэнень ды первичной организациятненень лезкснэнь максоманть таркас теевсь заседательской аппаратохс, конась чинек-век сермалесь лезэвтеме коневт ды резолюцият. **Иванов** ялгась жо „укинсь лангинева“, эзь вечке алдо молиция критиканть, администрировась, паро койсэ мик эзь кортне ВЛКСМ-нь райкомонь секретарьтнэнь марто. Истямо корс а кирдевица практикась ветьсэ сень, што обкомось сезевсь райкомтнэстэ ды первичной организациятнэстэ. Секс обкомось эзинзе нее ды шкастонзо эзинзе ливте лангс зяряя районтнесэ (Атяшевонь, Игнатовань, Саранскоень ды лият) политической покш ильведкстнэнь ды воспитательной роботанть беряньстэ аравтоманзо. Обкомонь бюросо критиканть ды самокритиканть беряньстэ аравтомась ды комсомольской организациятнэнь эйстэ сезевемась обкомонть пачтиз сень, што обкомонь бюронь кавто члент (Борисов ды Виедиктов) теевкшнесть политически сокоркс ды разложившей ломанекс, симнесть винадо троцкистской ды лия нулгодкс марто.

Минек Мокшэрэнь комсомольской организациясонть малав ниле тышат комсомолецт косяк а тонавнтить ды эряви видьстэ меремс, што комсомолонть роботасонзо те сехте покш теветень меельсэ шканть самс а явить эрявикс мель а обкомось, а райкомтнэ. Пропагандистской роботась течень чис минек организациясонть аравтоз пек беряньстэ. Пропагандистской роботадонть ВЛКСМ-нь ЦК-нь омбоце пленумонть решениянзо Мокшэрэнь об-

комось ды васняк сонзэ секретаресь **Иванов** ялгась „топартыть“ заседательской суетиясо ды сехте сеедьстэ кувака резолюциянь сермадомасо.

Аволь седе вадрясто ашти теветь школасо ды пионертизнь организациясо роботанть вадриялгавтомасо. Минек республикасо арась истямо район, косо бу пионерэнь весе отрядтнэ увелельт вожатой марто. Школатнес эцест враждебной ламо элементт, конат ветьт эсист разлагательской, контрреволюционной роботаст.

Тейтерь-аватнэнь ды од стахановецтнэнь юткс роботанть обкомось овси стувтызе, сень лангс апак вант, што тейнесь тень кувалт ламо решеният ды примсесь резолюцият.

Оборонно-физкультурной роботась истямо аравтоз беряньстэ. ВЛКСМ-нь программась тесэяк а топавтови.

Минек масторось кармась эрямо од Конституциянть коряс. ВКП(б)-нь ЦК-нь февральской Пленумось ды Пленумсонть Сталин ялганть докладозо тердить партийной ды комсомольской весе организациятнэнь одс теэмс весе роботанть, вадрясто аравтомс ве-

се од ломаньтнэнь юткс воспитательной роботанть, сатышкасто вневгавтомс ды келейгавтомс критиканть ды самокритиканть, кепедемс революционной бдительностенть.

Минек эряви весе эсинек роботанок ладямс истя, штобу большевикс ютавтомс тевет Сталин ялганть указаниянзо седе, што „...техниканть тонавнэмадонзо лозунгонть эряви ней поладомс большевизмань тонавнэмадо, квадратнэнь политической воспитаниядо ды минек политической беспечностенек маштоманонзо од лозунгсо“. Тонавнэмс большевизманть—те значит политически воспитывать минек комсомолонь квадратнэнь, комсомолецтнэнь, кастамс сынст мелест-бажамост марксизмань-ленинзмань теориянть тонавнэманьтнэнь, кемекстамс сынст классовой весе врагтнэнь каршо виев бороцямосонть, капиталистической окружениянть агентуранть—троцкистнэнь ды капитализмань вить реставратортнэнь каршо бороцямосонть. Бороцямс наксадо теориятнэнь каршо, конат лавшомгавтыть бдительностенть, мешить а неемс роботасонть асатыкстнэнь ды мешить сынст маштоманьтнэнь.

## СОВЕТСКОЙ СКРИПАЧТНЭНЬ ПЕК ВАДРЯ УСПЕХЕСТ

Брюссельсэ (Бельгия) прыдовсь скрипачтнэнь международной конкурсось. Апрельень 1-це чистэнь позда веть конкурсонь жюрись евтнэзэ результатнэнь. Советской скрипачтнэнь успехест сех покш, сех паро. Васень тарканть саизе советской скрипачес Давид Ойстрах, колмоце, нилеце, ветеце ды котоце таркатнэнь истяжо санзь советской скрипачтнэ—Лиза Гивелльс, Дуся Гольдштейн, Марина

Козолупова, Миша Фихтенгольс. Конкурсонть васень кото таркатнэнь эйстэ вете таркатнэнь санзь советской скрипачтнэ.

Брюссельнэ вейке газета—„Суар“—советской скрипачтнэнь покш успехест тешкстэз, сермады: „Видестэ меремс, брюссельцнэ зярдок эщо эсть марсе скрипачасо истямо артистической налксема“.


Советской скрипачтнэнень улит максозь колмо премият.



Ленинградской „Электрошпарт“ заводонь 5-це цехень комсомольской бригадась (бригадань члентнэ Вера Смирнова, Тамара Бояринова ды Наташа Кустарева) Довбассонь стахановецтнэнь тердемаст лангс ответкс сайсь индивидуальной обязательства—покшолгавтомс выработканть. Смирнова сайсь обязательства пачтамс выработканть 140 %, Бояринова—160 % ды Кустарева—170 %. Весе роботанть сын алтасть тееме „вадря“ отметка марто. Комсомольской бригадась топавтызе обязательстванзо отличнасто.

СНИМКАСОНТЬ: комсомольской бригадась: Вера Смирнова, Тамара Бояринова ды Наташа Кустарева.

Фотось Федотовонь. (Союзфото).



## Ведень транспортонь инженерэнь ленинградской институтось

СНИМКАСОНТЬ: III-це курсонь студентсь-отличникесь Б. Г. Чередниченко лабораториясо теи вецана уштома-пелень анализ.

Фотось СЭККЭНЬ. (Союзфото).

## Мария-Тереса Леон СССР-сэ улемадонзо ды Сталин ялганть марто кортнемадонть

Испанской писательтне Рафаэль Альберти ды Мария-Тереса Леон, конат аволь умок ульнесть СССР-сэ, Испаниян ютамсто пачкодсть Парижев.

Франциян „Се Суар“ газетась печатась Мария-Тереса Леон писательницанть покш статья, конаньсэ сон евтнэ, што СССР-сэ улемась сонензэ макссь пек покш впечатление. Мария-Тереса Леон тешксты, што Советской Союзонь весе эриятие ды мик эйкакштнэяк парсте содыть Испаниясо бытиятнеде. Мария-Тереса Леон покш мельсэ сермады седе, кода СССР-нь трудиятне пек вечксызь испанской народонть.

Мария-Тереса Леон сех ламо сермады Сталин ялганть марто кортнемадост. „Сех поразительноесь, — сермады Мария-Тереса Леон, — те се, што сонзэ марто эсь прят марят теке истямо ломань икеле, конань марто можна кортнемс прок содавикс ломань марто. Апак кавтодо сонзэ марто кортат видьстэ ды Сталин ответи истя жо, теке мерят сон ине государстванть аволь руководитель, но тонь оя. Седе мейле, зярко Сталин сюрдордасы тынк недени, сон тееви тынк ояк“.

(ТАСС).

## КОЛХОЗОСЬ ПОЛУЧАСТЬ АВТОМАШИНА

Мушконь вадря урожаенть кис, кона ютавтоз Печказфа Мариян звенанть инициативанзо коряс, МАССР-нь правительствась Хлыстовка велень „Красный Октябрь“ колхозонть казизе автомашинасо.

И. Симдянов.



# ВЕЙКЕ ДНЕВНИКСТЭ

Ичалкань район

„Февралень 25-це чи.

ВЛКСМ-нь Мокшэрзянь обкомось ге шкас яла алтн ВЛКСМ-нь Ичалкань райкомонь секретарькс кандидатура, тень коряс вана кода уш ниле ковт эзь ульне райкомонь пленум...“

Истя сермады ВЛКСМ-нь Ичалкань райкомсо пропагандистской отделень заведующеесь Горбунов ялгась эсинэзэ дневниксэнэзэ.

Косо жо ВЛКСМ-нь Ичалкань райкомонь секретаресь ды мекс каньз сонэзэ?—Кевкстнить комсомолетнэ райкомонь эйсэ.

Тевесь ашти вана кода.

Февраль ковсто, ВЛКСМ-нь Мокшэрзянь обкомонь ОРКО-нь икелень заведующеесь Борисов ды ВЛКСМ-нь крайкомонь икелень роботникесь Дмитриев ки ланга ютамсто токшестэ Ичалкав. Сынъ Банность вейке материал, косо чумондсгь райкомонь секретаренть Андронов ялганть социальной происхождениязо сепоманть кис.

ВЛКСМ-нь обкомонь бюрось жо Борисов ды Дмитриев докладост кулсонозъ, тейсь путовкс, косо сермадеть каямс Андронов ялганть райкомонь секретарьстэ ды панемс комсомолсто сень кис, што сон эзизе епта социальной происхождениязо ды лият. Те путовксонть лангс обкомось оймаськак.

Мезть тейнить Ичалкасо, кода роботы райкомось секретарьтее, кода эрить ды роботыть комсомолонь первичной организациятне, теде сынъ а бажить содамо. Райкомсо жо учить, зардо кучить тест секретарькс кандидатура—колыть ВЛКСМ-нь уставонть—нилеце ков уш эзть пурнакшно пленум ды беряньстэ роботыть.

Седе тов Горбунов ялгась эсинэзэ дневниксэнэзэ сермады седе, што „Сакшнось Ичалкав ВЛКСМ-нь Мокшэрзянь обкомонь секретаресь Родионова ялгась. Кортась колмо

комсорт марто ды макссь тенек „нагоняй“. Визькс аштемс ульнесь сонэзэ икеле...“

Тестэ неяви Родионова ялганть Ичалкань районсо весе роботазо ды лезксээ. Паряк сизекшнесь сон колмо комсортонь марто корт незь. Истямо кортнемась ков седе шождыне. Но вана Родионова ялгась эзь яка Ичалкань МТС-эв, косо эрить ды роботыть трактористкатне, косо эри ды роботы ВЛКСМ-нь обкомонь пленумонь членэсь Соня Рузайкина, косо эри ды роботы знатной трактористкась Лазарева Ира, косо комсомолонь первичной организациясонть, прок правила, промкст а эрсить ды членской взност пандыть аволь эрва ковсто, но 3—4 ковоны ютазь весе ковтнэнь кис. Сон эзь яка Ичалка велев, косо комсомольской организациясонть (колхозсо) кавксо комсомолетнэзэ арась вейкеяк эрзянь тейтерь.

Тосо овси арась культурно-массовой работа, клубось цела не эри малав пекстэзъ. Лекцият, кинот, спектакль а эрсить. Клубонь заведующеесь жо Имайкин ялгась лыты районганть, лаборды, пеняци роботамонь берянь условиятнень лангс, ве валсо меремс, сон ансяк церьни, но а роботы.

ВЛКСМ-нь райкомось жо, „поддакивает“ тенэзэ, но а тердсы те „вечкевикс“ завонть ды а вещи кедьстэнэзэ отчет клубонь роботадонть.

Седе тов Горбунов ялгась сермады седе, што обкомось а яви сатышка мель Ичалкасо райкомонь роботниктнэнь лангс.

— Мень те работа, зардо а содат, мезекс кармат роботамо,—пеняци сон.

С. Платонов.



## Орджоникидзе ялганть лемсэ стахановской вахта

Угол-янь коряс, „Орджоникидзе уголь“ трестэнь „Красный Октябрь“ шахтань (Донбасс) забойщикесь Курочкин ялгась, Орджоникидзе ялганть лемсэ стахановской вахтас стэзъ, вахтань вэсеньце чистэнь жо топавтызе норманзо 1000 проценте. СНИМКАСОНТЬ: Курочкин ялгась. Фотось М. Дувинскоень. (Союзфото).

## Знатной бригадир

Аношкин Василий Махайлович умок уш роботы Чамзинкань МТС-сэнтэ. Сон—примерной тракторист. Паро роботань кис зярыяксть премировазель. Телень перть сон роботась мастерскойсэ, сех икеле ды сех парсте прядызе трактортнэнь витнеманть. Ней сон аравтозъ тейтерень тракторной бригадань бригадирэкс.

Сон соды, што бути роботась парсте аравтозъ—тракторсонть седе ламо тевтькак теевить, сон а колавияк, модаськак макссь паро урожай. Ды парсте роботамось. покш лезээзэ эстетъкак МТС-сэнтэ парсте роботамось Аношкинэнь макссь сюлав, культурной эрямо.

Аношкин Василий Михайлович эсинэзэ бригадань тейтертне марто корты: минь истя карматамо сокамо, видеме ды лия роботатнень тееме, штобу тедиде саемс алкукс покш урожай.

Симдянов Иван.

## Паряк райкомось лезды

Зардо минек школасо вожатоекс роботась Кудашкина Г. И. галстуконь ды значоконь кис пурнакшнось малав 60 целковой ярмакт.

Но вана ютазь зарья шка, галстукт ды значокт жо эзь рама. Ярмактнэнь ютавтынзе эсинэзэ лангс.

Ней вожатоек Буйкина ялгась, конань кедьстэ пионерть вешить галстукт ды значокт. Но сынъ арась.

Минь кевкстнитяно ВЛКСМ-нь Кочкуровань райкомонть, зардо жо Кудашкина ялганть кедьстэ сайсызъ ярмактнэнь ды рамить тенек галстукт ды значокт.

А. Миронов.

Кочкуровань р-н, од Мурза веле.

М. ШУГАЛ

## Ленской приискатнесэ рабочейтнень леднемась

Комсь ветее иеде теде икеле, 1912-це иень апрелень 4(17)-це чистэ, Сибирьсэ, ленской сыр-неень промышленной приискатнесэ, инязоронь правительствась леднинэе оружиявтомо рабочейтнень, конат мольсть эсист эрямонь пек стака условиятнень каршо протестэнь ептамо.

Ленской приискатнесэ леднемась кепедсь пек покш мельс апаро весе масторонть келес. Петербургсо, Московсо, Харьковсо, Луганскойсэ, Николаевсэ, Сормовсо ды ламо лия ошка сядот тыщат рабочейть яволятсть забастовка ды большевистской партиянт тердеманзо коряс протестэнь демонстрация марто сыр-гасть инязоронь самодержавиянт вейке сехте веревь злодеяниянзо каршо.

„Ленской леднемась,—сермадсь Ленин,—ульсь массатнень революционной настроенияст, массатнень революционной подэмс ютамонтень тувталокс“. (В. И. Ленин, XV том, 534 стр.) Ленской событиятнень влияниаст ало рабочеень пек покш массатне кепетедсть самодержавиянт,

основатнень каршо революционной бороцямонтень. Ансяк 1912-це иень макссь омбоце пель миллион забастовщикт, сестэ кода теде икеле ниле иетнень перть (1908—1911 иетнестэ) бастовицят неде ульнесь ансяк 400 тыща ломанть.

Мекс жо ленской событиятне мусть истямо виев отклик весе рабочей классонть ды трудиянкелей массатнень ютксот? Те кевкстнеманть лангс Сталин ялгась сеске жо, 1912 иень апрель ковсто, отвечаь:

„Весе, мезе ульнесь кежев ды пагубной неень шкань режимсэнтэ, весе, мейсэ сзредсь пек пиштиця Россиясь—весе те пурнавь вейке факте, Лена лангсо событиятнесэ.

Вана мекс самай ленской леднематне ульсь забастовкатнень ды демонстрациятнень сигналокс. Теньстэ—ды ансяк теньстэ—эряви вешнемс меельсэ событиятнень толковамотнень“. („Звезда“ № 32 (68), апрелень 19 (маень 2-це) чи, 1912 ие)

Ленской приискатнень главной азорокс ульнесь английской капиталист. Совладелец уль-

несть рузонь капиталист, государственной банкась, правительствань ды инязоронь семиянь члентнэ. Ленской акционерной обществань примерстэнтэ парсте неяви, кода „...даризманть ды западной империализманть интересэст склывавсь вейкест-вейкест марто ды теевсь меельсэ пелев империализмань интереснэнь вейкине кирекс“. (И. Сталин, „Ленинизм-мань вопрост“, 10-це нолдавкс, 5 стр.)

„Ленской товариществась“ ульнесь приискатнесэ ограничениятомо азоркс. Сон кирдсь эсь кедьсэнэзэ полициянт, судонть, военной начальстванть. „Лензотось симди, анды, тонавты, казни ды прости сядот тыщат рабочейть,—кортнесь Иркутской губернатнэе.—Малав ансяк ськамонзо „лензотось“, макссь ярмакт правительственной чиновниктнэнь содержаниянт лангскак“. Тесэ капиталсонть рабочейтнень грабамонтень ды сынт урекс теимантень арасель пе. Лена лангсо рабочейтнэ эрять полуколониальной эксплуатациянь условиясо, сынъ иезэнэзэ путень колавома шкастонтэ зарья ковс ульнесь сезевезь внешней мирэнтэ эйстэ. Роботамо чись ушодовиль валске 5-це чассто ды прыдовиль чоکشне 7-це чассто. Роботамонь питненть рабочеентень целанек а макссь лизь, сонэзэ кис жо макссь лизь

эрва ковсто колмо эли сисемь целковойть. Вана вейке пек вад-ря документ, кона невити ленской приискатнесэ рабочеентэ эрямонзо — „Робочейтнень пельде рабочейтнень“ возваниязэ:

„Робочей ялга! Эли тынь карматадо седе товгак роботамо? Аразди минек забастовкась ве шкасто ай ашти тынк забастовкакс? Ведь тынь содатадо, кода „Лензотось“ минек лепштысь эрва эскельксэнтэ лангсо. Сон андсь эйсэнек кулозь скотинань сывельде алашань навоз марто човорязь. Мурнесть минек эйсэ ды нарьгасть минек нитнень ды тейтерьтнень лангсо. Минек эйсэ обидясть, чванность. Арась возможность весе нетнень евтнеме, мезе минь кандылинек забастовканть самодо икеле. Минек эйстэ эрвась содасы ды сонсь ледстысь тень, кинень эрямс ульнесь берянь. Секс, што мик сеть ничтожной законтнэнь, конань „Лензотось“ должен ульнесь топавтомост, сон эзь топавто. Дыней весе виде-читнесэ ды авиде-читнесэ сон бажи одов аравтомс икелень улича ладонть, но те больше а ули ды не может улемс“. („Ленасо событиятне документсэ“. Партиздат, 1932 ие, 32 стр.)

1912-це иень февралень 28-це (мартонь 13-це) чистэ ушодовсь забастовка, конаньсэ курока кармась улеме 6 тыщадо лама робо-



## Пионертва галстукотом

Чамэинкань район. Кшуманця велень аволь полной средней школасонть ули пионерэнь покш отряд. Эйсэнь 5 звенат. Звенево-екс кочкась сех паро пионертне, отличнойста тонавтницятне—Чу-вашева Ольга, Кузнецова, Н. Суслин, Г. Пятаев, Суслина Нюра. Звенатне ветить а берянь робота, тейнить выступления, клубсо ютавнить налксемат, бороцить парсте тонавтнеманть кис, лездить беряньста тонавтницятненень.

Берянь аняк се, што пионерэнь отрядонть арась вожатоезэ, мона ульнесь икеле—тусь лия вел. Шкась уш ютась ламо, но райкомось эзь спартнеяк муемс отрядонть вожатой эли жо кочкамс сынсис жо пионертнень ютксто. Седеяк берянь ды комсомолонь райкомонтень покш виськс се, што пионертнень арась галстукост. Ульнесь пурназь ярмакт, но сын козонь бути лоткасть ды кияк ай арси муемс пест, кияк а мелявты, штобу пионертнень улелельть галстукост. П.

## А панжтневица кенкшт

Ардатовань район. Косо эрсить Жабина велень од ломаньтне, месть тейнекшнить, кода ютавить ютко шкаст—тень а содасыз избачесь—Вождаев Петя комсомолецсь ды комсоргось Ф. Забелин.

Ловнома-кудонть кенкшензэ зярдояк а панжтневить. Лекцият, докладт, постановкат а эрсить, книгат, газетат а косто муемс ловномс. Комсоргось ды весе комсомолецтне кекшнить аволь союзной од ломаньтнень эйстэ, эрва кода прят кайсись сынст ютксо роботадонть. Сын а ловить мик эсис виськсэс сень, што велесэнт те шкас арась вейкеяк значкшт, комсомолецтне од ломаньтнень ээизь организовакшно ГТО нь, ГСО нь, ПВХО нь, „Ворошиловской стрелок“ значоктинь лангс нормань максоманть. З. П.

## ВЕСЕЛАСТО ЮТАСТЬ КАНИКУЛАТНЕ

Веселасто ды интереснойста ютавить каникулатнень Саранскоень железнодорожной школасо. Каникулань васень читнестэ уш тонавтницятне вейсэ ваньзэ „Дубровский“ операнть. Эрва чистэ сынст школасо эрсить вейсэнь ловномат. Ловнызэ А. Фадеевэнь „Метелица“ произведениязэ ды художественной лия произведения, конатне тустэ эйкакштнень мельс.

Школасо кавксть ульнесь кино. Эйкакштнэ ваньзэ „Джюльбарс“ ды „Без ошибки“ картинатнень. Октябратнень туртов алласкопнь пачк ульнесь невтезэ картинат Маршаконь, Баргонь ды Чуковский евтнемаст коряс, конатне сынст туртов ульнестэ ловнозгак.

9-це классонь тонавтницятнень туртов организоваз танцовамонь кружок, конасонть руководителесь—балетмейстерэс тонавты сынст танцовамо.


Колмоце четвертенть прядоманзо марто 9—10 классонь тонавтницятнень туртов ульнестэ организоваз самодеятельностень кавточокшнеть. Ютавтозэ шахматной кавто турнирт, косо школань чемпионкс лиссь 9-це классонь тонавтницясы Васильев.

Весе теде башка вадрясто роботась радиокружокось. Клубонтень ды читальнятень ветязь репродукторт. Тонавтницятне кулсонекшнестэ эсис школань самодеятельностень кружоктинь пердачаст.

Свал эрси панжадо библиотекаксь. Тосо улить свежа газетт, журналт.

— Неень каникулатнень—кортыть тонавтницятне—ютаятнекс сехте веселасто ды сех интереснойста.

А. Дмитриев.



Рав лейсэнт навигациянт ушодомадонзо икеле.

СНИМКАСОНТЬ: ледоколонь кондямо „Абхазец“ баркасоь васеньце рейс туемадонзо икеле.

Фотось А. Маклецовонь. (Союзфото).

чейть. Забастовканть лангсо руководстванть ветясь стачечной бюрось, конань прятсо ульнестэ рабочейть-большевикт. „Ленской товариществась“ спартнесь провокациясо ды маньшмань кортнема-со сеземс забастовканть, кона ютыль вадрясто организоваз. Зярдотень теемс эсь саво, правительствась кармась забастовканть лепштямо оружиясо. Апрельень 4-це чинть каршо вестэнт арестовазельть рабочеень представительтне, зярд жо оружиявтомо колмо тыщат рабочейть лиссь арестэнт каршо протестэнь евтам, нязоронь палачесь ротмистрась Трещенков кармавсь леднеме. Те леднемазонть ульнестэ 270 рабочейть маштозэ ды 250 ранязь. Рабочейтнень леднемазь анокстазель икеле уш. Ванставсь документт, конатнестэ неяви, што веревь событийтнеде зяряя чиде икеле приискатнень управляющеес кортась: „Лензотонть действительностез правительстванть туртов истя пек питней, што можнатевенть идеманзо кис сядордомс кодгеменьшка ломанть“. (Тосо жо, 48 стр.).

Ленской событийтнеде кевкстеманть лангс внутренней тевтнень коряс нязоронь министрсь Макаров наглоустэ являвлясь Государственной думасо: „Зярдэ злостной агитатортинь влияниаст ало ежонь ематозь толпась кайсеви войс-

канть лангс, сестэ войскантень мезяк лия а каднов тейнемс леднемадонть башка. Истя ульнестэ ды истя ули икеле пелевгак!“

— Истя ульнестэ, но истя аули! —отвечась эсинзэ пек виев демонстрациясонзо ды забастовкасонзо пролетариатось. Вересь, кона валозель Лена лангсо, кирвастизе кементь ды сядот тыщат пролетарийтнень седеест самодержавиянтень ды капитализманть сюдомасо ды кежсь. Лена лангсо валозь веренть валдонзо палсть пролетариатонть знамясонзо, зярдосон, эсь перьканзо трудицянть келей массатнень пурназь, бороцясь Ленинэнь—Сталинэнь партиянт руководстванзо коряс Октябрия баррикадатнестэ.

„Ютазь кинть лангс ванозь, —сермадсь Сталин ялгась 1927-це иестэ ленской рабочейтнень приветствиясонзо, —Союзонь рабочейтне могут евтам: бодайбинецтинь рабочеень верень вейкеяк петнявкс эзь юма стяко, секс што пролетариатонь врагтнэ получасть возмездия, пролетариатось жо изнинзе сынст. Неи, нязоронь ды капиталистической лепштямодонть олакстомтозь, Витимень берегтнэзэ тынк улить возмозможностенк таргамс сырьне аволь тунеядецтинь скупалдомаст туртов, но мирсэнт вейкине эсини робочей государстванть виензэ кемекстамонть туртов. Честь ды слава

рабочей классонть изнявксонзо кис бороцямосонть маштозтнень!“ („Ленский шахтер“, 87 №, 1927-це иень апрелень 17-це чистэ).

Капиталистнень ды помещиктнень каршо виев бойтнестэ советской народось большевистской партиянт руководстванзо коряс строизе социалистической обществанг. Социалистической родинась—те минек модась, минек заводтнэ, фабрикатне, транспортось, совхозтнэ ды колхозтнэ—весе те довазэ, весе ды эрва кодат эксплуататортнень каршо бороцямосонть, партиянт ды народонь врагтнень—родинань предательтнень—гнушной троцкистско-зиновьевской фашистской сиведевксэнь банданть ды сынст лездыцятнень—капитализмань правой реставратортнень каршо бороцямосонть.

Событиятне, конат келейгадокшность комсь ветее иеде теде икеле васоло Сибирень тайгасо, те а вечкевикс самодержавно-помещичьей строенть каршо, эсис валдо икеле-пельксэст кис, эсис уцаскав ды кенярдиксов эрямоьт кис трудицятнень героической бороцямонь вейке пек вадра, седейс токиця страница. 78

## Ардатовань райОНО-сь а соды школатнестэ Сталинской Конституциянт тонавтнемадонзо

Аволь полной средней ды средней школатнестэ Сталинской Конституциянт тонавтнемазо—те од, пек ответственнй предмет. Секскак райОНО-нь роботниктнэнь эряви кеместэ лездамс Конституциянт коряс тонавтыцятнень, содамс тонавтомасонть весе асатыкстнень ды куроксто маштомс сынст.

Малавгак аволь истя ашти те-весь Ардатовасо.

Сайсынек ошонь школатнень. Райцентрань аволь полной средней школасонть те шкас мик а тонавтнить Конституциянт. Преподавателекс тозонь молема макстнесь вал ВЛКСМ-нь РК-нь секретаресь Левин ялгась. РайОНО-сь сонзэ лангс кемсь. Но Левин ининзе тонавтницятнень ды райОНО-нтэ. Сон те шкас эзь ютавто вейкеяк занятия.

РайОНО-нь заведующеес Северина ялгась, нама, теде содась, но сон кода мерить, эзь смея кевкстемс Левинэнь, мекс сон а тонавты. Сон истяжо эзь капшала преподавателень кочкамоак.

Северина ялгась толкови, што „Конституциянт тонавтомо тосо кармить... апрелень васень читнестэ ды сави сестэ эрва чистэ те предметэнтень максомс 4—6 часст“.

Аволь овси парсте тевесэ ашти полной средней школасонтькак. Тосо преподавателесь Орлов ялгась (парткабинетэнь заведующеес) лавшосто анокстни уроктнэ-нень. Тонавты наглядной пособи-явтомо. Секскак уроктнэ эрсить коськть, аволь интереснойть.

Вана сонзэ занятиязэ мартонь 23-це чистэ 9 „А“ классонть. Темась: РСФСР-сь ды сонзэ составозо. Тесэ Орлов кортась РСФСР-нтень совия областнеде ды автономной республикатнеде. Но сон овси „стувтызе“ евтамс эйкакштнэ-нень областнень ды республикатнень лемест.

Турдак велень аволь полной средней школань директорось Талалаев колмо ковс овси эзь муе ютко шка, штобу молема Конституциянт-уроковтень. Секскак сон овси а соды седе, кода тонавты Лакшин преподавателесь.

Ардатовасо мик сонськак райОНО-нь заведующеес Северина ялгась а соды седе, кода моли школатнестэ Конституциянт тонавтнемазо. Северина ялгась вестькак арасель Конституциянт тонавтнемань уроксо. Ды райОНО-нь весе роботниктнэнь эйстэяк те шкас уроксо ульнестэ аняк Сакович И. О. инспекторось. Сон ульнестэ Трипавловка, Алова ды Кученева велень /аволь полной средней школатнестэ, косто самодомейле сермадсь Конституциянт тонавтнемадо докладной записка Северинань лемс, што „уроктнэнь эйсэ политической ильведькст коть арасельтькак, но уроктнэнь преподавательтнень лавшосто анокстамось а максы эрявикс результат“.

Вере невтезэ школатнестэ преподавательтне Сергушкин, Шуничев ды Топоров ялгатне—од преподавательт. Сын састэ комвузсто. Тонавтомань опытэст вишкне. РайОНО-сь жо сынст а лезды. РайОНО-сь сынст ютксо роботанть коряс ютавтсь аняк вейке семинар.

Нетэ асатыкстнень райОНО-нтень ды комсомолонь райкомонтень эряви ловомс ды маласо шкастонть маштомс сынст.

А. Мартынов.



## Дисциплина в авто- организациях

Ало велень „Передовик“ колхозонь комсомоломь первичной организациясонть малав эрва промкссо, конат эрсит пек чуросто, яла лабордыть дисциплинадо. Весе те пижмемась кадновшны лезвеме. Мезде ансяк корты се, што комсомолецтнень пелест—колмо ломанть—а тонавтыть эсис тасеньце обязанностест, кото ковошь перть эсть пандо членской взност. Политтонавтнеманть сынсь комсомолецтнэ ды васняк комсоргось **П. Козлов**—сезизь. Сынсь руководителекс кемекстакшны эволь полной средней школань историкенть—**Р. С. Шунчевень**. Но весе теленть перть ютавтозь ансяк кавто занятия—толковизь Конституциядонть Сталин ялганть докладонзо. Теде мейле комсомолецтнэ вестьяк эсть пурнавкшно занятияв. Шунчаев ялгась учи-учи ды истяк тун.

Комсомолецтнэ косоак а невтнить меныгак инициатива, пример, сынсь арась кодамоак авторитетст. Допрок сезевсть эволь союзной од ломаньтнень эйстэ. Тейтертнень ютксо кодамоак культурно-массовой работа а ветить. Вейкеак тейтерь арась комсомолсо. Ниле колхозникт-ударникт од ломанть колмо ководо икеле макссть заявлениат комсомолс совамодо. Тешкас сынсь заявлениат атак ванно.

Малав истя жо ашти тевесь Манадышкань комсомоломь организациясонтькак. Тосо комсомолецтнэде 25 ломанть. Сынсь ютксо сех ламотне сермас а содыят, но эйсэст а тонавтыть. Политкружоксонть руководителегак арась. Лиасто пурнавить комсомолецтнэ, талныть-теить, костояк мезеяк ловныть ды весе. Улит истят комсомолецт, конат 5—6 ковошь перть эсть пандо членской взност.

Чукала велень „Путь Ильича“ колхозонь комсомоломь организациясь седеяк разболтанной. Тосо комсомолецтнэ мик а содыть—кие комсоргось. Кой-кона комсомолецтнэ (Мокейкин, Литюшкин) симнекснить винадо. Организациясь овси а кась, од ломаньтне мик а содытькак кинень максомс заявлениа комсомолс совамодо. Арась работа сень коряс, штобу колхозонь сех паро од ломаньтнень анокстамс комсомолс совамодо.

Мокейкин комсомолецтсэ 8 ковт уш а панды членской взност, сон корты: винадо симемскак монь ярмакон а сатыть. Кульков Григорий комсомолецтсэ членской взност эзь пандо цела не. Литюшкин эзь пандо 6 ковт.

Весе неть организациятнесэ комсомолецтнэ политически эволь грамотнойть, а тонавтыть, газетат а ловнокшныть. Комсомольской хозяйства кодамоак арасьяк. Комсоргтнэ берянь, лавшот. Партийной организациятне а лездыть сынест. Комсомоломь райкомось жо неть организациятнень допрок стувтынзе. Тосо кияк райкомсто а эрсняк. Сех ламо комсомолецтнэнь ули мелест роботамс, тонавнемс, но сынсь вийтеметь, а содыть мезес кундамс, мезьстэ ушодомс тевенть.

Ф. Кипайкин.

Ардавовань р-н.



США-со бастовицятнеде неень шкастонть лавовить 150 тышат ломаньде а седе аламо. Детройтсэ важнейшей автомобильной заводгнэсэ бастовить малав 90 тышат ломанть. Чикагосэ 60-нь эрва кодат предприятиятнесэ бастовить 20 тышат рабочейть. Филадельфия районсонть 23 забастовкатнесэ примить учения 16 тышад а седе аламо рабочейть.

СНИМКАСОНТЬ: Рединг ошсо (штат Пенсильвания) Ноульд Хорст Миллс текстильной фабрикасонть рабочейтне бастовить заводонь помещениясонть, штобу а нолдамс штрейкбрехертнэнь.

(Союзфото.)

## ИСПАНИЯСО ФРОНТНЭВА

Кордовской фронтсонть итальянецтнэнь ды мятежниктнэнь пораженияст

Эшо мартонть ушодовомсто Гвадалахаранть лайгс эдеманть марто ве шкасто мятежниктнэ ветясть военной операции Испаниянь пеле чи ено, Кордова ошонгь маласо Мятежниктнэ арсесть саемс Кордованть ды Снудад-Реальанть ютксо кшнинь кинть, ровнямс Мадрид—Малага фронтоны ды теде башка саемс ргутень покш рудниктнэнь, конат Пособлонконть маласот. Мятежниктнэ, наступленианть ушодозь, пачкодсть почти Пособлонконть малав.

Правительственной войскактнэнь васня савсь потамс. Мейле сынсь получать пехотань, авиациянь ды артиллериянь лезкс ды кармасть икелев эдеме. Мартонь 30-це чистэнт республиканецтнэ занясть кавто важной пункт—Ал-

карасехосонть ды Виньяньяуэва Дель Дукенть.

Мартонь 31-це чистэнт республиканецтнэ ульнест уш Пособлонконть эйстэ ансяк 23-вайгельпет седе ве ено.

Меельсь кавто читнестэ икелев эдемстэ республиканецтнэ сайсть мятежниктнэнь 380 винтовкат, 300000 патронт, 400 противогазт. Итальянской, германской ды мароконской солдатнэнь эйстэ ламот маштозь, сынсь ютксо арасель вейкеяк испанец.

Республиканской войскактне нейгак эцить икелев.

Гвадалахарской фронтсонть республиканецтнэ саизь Ледонка веленть, кона ашти арагонской кинть лаггсо.

(ТАСС.)

## Японской парламентэнь нолдамозо

Мартонь 31-це чистэ, парламентской сессиянь официальной пекстамодонзо зярый чассто икеле, Японской правительствась нолдызе (распустило) парламентэнь алце палатань, кона ашти, кода содасынек; кочказь органокс (верце палатань членгнэнь аравты империаторось).

Сессиясонть, кона моельсь кавто ковошь перть, ламо депутаттнэ пек критиковизь правительствань ды военщинань авантюристической внешней политикань, германо-японской соглашениянь сермадоманзо, Советской Союзонть марто отношениятнень беряньгавтоманть ды внутренней положениянь беряньгавтоманзо кис.

Правительствась ды военщинась путсть весе виест, штобу парламентэсь примавлинзе законопроекттнэнь, конат сюлмазь Япониянь войнантиень анокстамонть марто. Военщинань виев влияниязо ало парламентэсь кемекстызе колмо миллиардонь од бюджетэнь, конатнестэ расходтнэнь пелест моли военной тевс.

Палатась нолдазь военной круг-

тиэнь прямой требования коряс, конат чумондыть сонзэ сень кувалт, што сон „роботы састо“ ды што Сейюкой ды Минсейто—буржуазно-помещичьей партиятне кирдит парламентэнь еидо ламо правительственной законопроектнэнь кемекстамост.

Алце палатанть нолдамозо ашти парламентаризманть кадовиксэнзэ лаггс Япониянь фашистской кругтиэнь од наступлениякс. Военщинань мелезэ, штобу парламентэсь улевель пеле-пес сонзэ кедь ало Секс алце полатанть нолдамозо добувазь, сон кеми од кочкамотнестэ получамс палатань эстензэ эрвикс состав. Парламентс од кочкамотне кармить улеме апрелень 30-це чистэ.

\*\*\*

Японской парламентэнь нолдамозо лаггс яви покш мель германской печатесь. Газетатне видьстэ тердить Япониянь ликвидировамс парламентаризманть кадовиксэнзэ ды аравтомс фашистской диктатура.

(ТАСС.)

## Локтаев истя мерсь...

Саранскоень 12-це № средней школысонть чокшнень-чокшнень роботы аволь полной средней школа. ВЛКСМ-нь Саран ошонь комитетэсь кучь тов пропагандистт Сталинской Конституциянь тонавтнеманзо коряс. Кавто пропагандистне овси тевскак эсть кундсе, тусть Саранскойстэ. Секс занятия молить ансяк 5-це классонть. 6-це ды 7-це класснэсэ Конституциянь ды Сталин ялганть докладонзо тонавтнемаст коряс арасель вейкеяк занятия.

Соды теде Локтаев ялгаськак (политтонавтнемань коряс ошонь комитетэсь отделанть заведующесэ). Штобу а кармамс лия пропагандистэнь велнеме, сон мерсь, штобу Конституциянь коряс занятиявнь ютавтневель 5-це классонь пропагандистэсь ве шкасто весе колмонест классонь тонавтицятнэнь ютксо. Ды истя теезельгак. Неть занятияне лезэвтеметь, киненьгак мезеяк а максить. Эряви, штобу эрва классонть улевель эсинзэ пропагандистэзэ. Водясов.

— 000 —

СУД

## Будкеев судязь 10 нес тюрьмас пекстамс

Ромодановань районнь народный судось мартонь 25-це чистэнт ваньзе Ромодановань вельпосо микшициянь Будкеевнь тевензэ. Я. З. Будкеев вельпосо роботамонть перть растратил 16.200 целковойть. Рамась эстензэ куде, кавто скалт ды лият. Сонзэ кудосто муезь парсеень мануфактура 7000 целковой лаггс. Будкеев сонсь покшолгавть товартнэнь лаггс питнетнень. Примеркс, 3 ц. 50 тр. питнесэ печениятнэнь микшнесь 6 целковойт 70 тр. килограмманть кис Кавто целковонь 40 тр. питнесэ мешоктиэнь микшнесь 10 целковойде. Теде башка Будкеев пурныль ды эстензэ сайинизе трудитнэнь паевой взносо.

Ромодановань районнь народный судось Будкеевнь судизе 10 нес тюрьмас пекстамс, конфисковать сонзэ весе парочязэ.

В. Л. Анайкин.

## КАПШАДО СЕРМАДСТОМО

МАЙ, ИЮНЬ, ИЮЛЬ  
ДЫ ЛИЯ КОВТНЭС

## „ЛЕНИНЭНЬ КИЯВА“

ГАЗЕТАНТЬ ЛАНГС

Подпискяйт примить почтань эрва отделениясь ды эрва сермань кандтицясь.

ГАЗЕТАНТЬ ПИТНЭЗЭ:

Вейке нес—7 цел. 20 тр.

Пель нес—3 цел. 60 тр.

Колмо ковс—1 цел. 80 тр.

Отв. редакторось М. ЛЮПАЕВ